



Parlamentarni vojni povjerenik BiH primio u nastupnu posjetu vojnog atašea Republike Srbije u BiH

Parlamentarni vojni povjerenik BiH Boško Šiljegović primio je 15.11.2016. u nastupnu posjetu vojnog atašea Republike Srbije u Bosni i Hercegovini Sašu Nikolića.

Tokom razgovora Šiljegović je upoznao vojnog atašea Srbije u BiH Nikolića s načinom rada i osnovnim funkcijama institucije parlamentarnog vojnog povjerenika BiH, s posebnim osvrtom na zaštitu ljudskih prava i osnovnih sloboda pripadnika Oružanih snaga BiH (OSBiH).

Parlamentarni vojni povjerenik BiH je u razgovoru istaknuo i koje su najčešće pritužbe pripadnika OSBiH s kojima se susreće u svom radu, kao i aktivnosti koje provodi u obavljanju parlamentarne kontrole rada u oblastima zaštite ljudskih prava i sloboda vezanih za profesionalna vojna lica i kadete u OSBiH.

Također, vojni povjerenik Šiljegović upoznao je vojnog atašea Nikolića o tome da tokom godine posjeti veliki broj kasarni i jedinica OSBiH te da učestvuje na brojnim konferencijama, a sve s ciljem potpunog i nesmetanog funkcioniranja Ureda parlamentarnog vojnog povjerenika BiH s jedne strane, te izvršenja zakonskih ovlaštenja s druge strane.

Vojni ataše Srbije u Bosni i Hercegovini izrazio je nadu da će saradnja s Uredom parlamentarnog vojnog povjerenika BiH i u narednom periodu biti što uspješnija i efikasnija, na obostrano zadovoljstvo.